

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER FOUR

THE CONSUMATION OF HUMAN HISTORY

SURA YA NNE

UKAMILISHO WA HISTORIA YA BINADAMU


Ebu tujadili dhana ya kibiblia ya *Siku za Mwisho*. Biblia inatuambia kuwa katika Siku za Mwisho mbingu zitapita na vitu vingine vitateketezwa kwa moto (2Petro 3:10), na inatuambia kuwa jua litatiwa giza, na mwezi hautatoa mwanga wake, na nyota zitaanguka kutoka mbinguni (Math 24:29). Inaendelea kutabiri kuwa kwa mlio wa tarumbeta (parapanda, baragumu) la Mungu, Kristo atarudi, na waumini wa Kristo waliokufa watafufuka na kukutana naye hewani, wakifuatiwa na waumini wale walio hai Kristo arudipo (1Wathes 4:16,17).

Je, bashiri hizi zitatokea kama zilivyoandikwa (fasihi), au zichukuliwe kama ishara , kama vipengele vingine katika Biblia? Ebu tujibu haya maswali kwa kuelewa historia ya binadamu. Je, historia yake ilianzaje? Inaelekea wapi? Hatima ya lengo lake ni lipi?

I. MAANA YA SIKU ZA MWISHO.

Ni dunia ya namna gani kama Adam na Hawa wangetii amri ambayo Mungu aliwapa katika bustani ya Eden? Adam na Hawa wangukuwa wakamilifu na katika msingi huo wangeanzisha familia adilifu na kuzaa wana na mabinti wakiwa na hulka ya wema. Mawazo yao na matendo yao yangukuwa chini ya uongozo wa Mungu, na hivyo wangejenga familia, jamii, na taifa na dunia ambamo Mungu peke yake ndiye mtawala. Dunia ya namna hiyo ingekuwa Ufalme wa Mbinguni hapa duniani. Kama hili lingepita, maisha yao yangukuwa maisha ya wema, na historia ya familia zao na dunia zingekuwa historia za wema. Historia ambayo Mungu aliidhamiria awali ni historia ya wema tu.


Hata hivyo, kwa vile mume na mke wa kwanza walianguka hawakutokea kuwa watu wa kweli ambao wameghubikwa na hulka ya Mungu, lakini wakawa watu walio na ghubiko la hulka ya uovu. Adam na Hawa walioanguka walizaa watoto wenye dhambi ya asili na hivyo kueneza familia za uovu, na jamii na dunia ya uovu. Mawazo na vitendo vya mtu aliyeanguka vimekuwa vikitawaliwa na Shetani, na dunia hii ikawa Jehanamu duniani, iliyojaa dhambi na mateso. Historia ya mtu binafsi, familia yake, taifa na dunia, bila kuwacha moja, zimekuwa ni historia linajumuisha kimsingi mitafaruku, dhambi na uovu, kwa kiwango kikubwa.




Kulingana na mpango awali wa Mungu, muktadha wa historia ya binadamu ni kuwa na mambo mema tu nyakati zote, lakini kwa sababu ya anguko, historia ya mwanadamu ilianza kwa uovu. Je, Mungu angejiengua na kuwaacha watu katika hali hiyo? Hapana. Kupitia kazi ya wokovu Mungu lazima atimize kile alichokidhamiria awali (Isaya 46:11). Pamoja na kwamba historia ya mtu ilianza kwa dhambi na uovu, kwa sababu ya toleo la mpango wa Mungu kutekeleza Dhumuni la Uumbaji, historia ya binadamu imekuwa historia ya toleo la mpango wa Mungu wa kukomboa Dhumuni la Uumbaji lililopotea. Lengo kuu la historia ya binadamu lilikuwa ni kuibadili kwa kuipandikiza, historia ya uovu na historia njema, ambayo Mungu alikuwa ameipanga. Siku za Mwisho ni kipindi ambacho dunia ya mabaya ya utawala wa Shetani hatimaye unageuzwa kuwa dunia adilifu la utawala wa Mungu. Siku za Mwisho ni wakati ambapo dunia ya dhambi au Jehanamu duniani, itageuzwa kuwa Ufalme wa Mbinguni hapa duniani, mahali ambapo Dhumuni la Uumbaji la Mungu litakuwa limehitimishwa.

Watu wengi wameishi kwa uoga wakiogopa Siku za Mwisho kwa sababu walifikiri utakuwa muda wa (majanga ya miujiza) maafa yasiyo ya kawaida. Hata hivyo, kinyume na yale waliyoamini, hautakuwa wasaa wa majanga. Badala, itakuwa ni wakati wa raha, kwa sababu ni wakati ambao dunia adilifu ambayo tabia asilia ya binadamu imekuwa ikisubiri itaanzishwa. Siku za Mwisho ni wakati ambao historia ya uovu itakoma, lakini pia ni wakati wa tumaini kwa sababu zinaashiria mwanzo wa zama za wema. Hata hivyo, Mungu hawezi kujenga Ufalme wa Mbingu bila kuangamiza dhambi na jehanamu. Hukumu hii itatolewa na Neno la Mungu (ni kama ilivyoielezwa katika kifungu IIB). Kwa hiyo wale wanaoishi maisha ya uovu watazamia Siku za Mwisho kwa kiharo (hofu) bali wale wanaotii matakwa ya Mungu watazamia Siku za Mwisho kwa matumaini na matarajio yenye raha.

Akiwekeza roho na pendo zake zote,(Katika hali isiyo na ukomo,) Mungu amekuwa akitumika wakati wote ili kuhitimisha dunia adilifu; hivyo ameendelea bila kituo akitafuta kurejesha Siku za Mwisho. Lakini kwa bahati mbaya, kila anapojaribu kuleta Siku za Mwisho, binadamu hakutimiza wajibu wake kikamilifu, na mapenzi ya Mungu yamebaki bila kutimizwa. Kulingana na 'Kanuni ya Uumbaji', lengo la Mungu haliwezi kutimizwa na Mungu peke yake; ushirikiano na binadamu ni wa dhati na lazima kabisa. Na hivyo katika msingi wa kanuni hii, toleo la Siku za Mwisho, ambalo ni kutimiza Lengo la Uumbaji, nalo pia haliwezi kutimizwa na Mungu peke yake.





Ni kwa sababu hii kwamba Biblia inaonyesha kumekuwapo majaribio kadha wa kadha ya kuleta siku za mwisho. Kwa mfano wakati wa Nuhu, Mungu alisema, 'nimepania kufanya mwisho wa miili kwa kuwa dunia imejaa mitafaruku juu yabo; chungu, nitawaangamiza pamoja na dunia (Mwa 6:13), hii inaonyesha siku za Nuhu zilikuwa ni Sza Mwisho. Mungu alitaka kuweka mwisho wakati wa miaka elfu moja na mia sita (kulingana na hesabu ya biblia) ya historia ya dhambi na uovu kwa njia ya *Hukumu ya Gharika*. Mungu alilenga kuteketeza uovu na baadaye kujenga dunia adilifu ya mamlaka yake na kuanza historia mpya ya wema katika msingi wa familia ya Nuhu. Nyakati hizo za Nuhu zilikuwa ziwe Siku za Mwisho, lakini kwa sababu ya kushindwa kwake Ham, familia ya Nuhu haikuweza kutimiza wajibu wake (rejea Familia ya Nuhu Katika "Toleo la Ukombozi"), na nia ya Mungu ya kuleta Siku za Mwisho haikuweza kutimizwa wakati huo. Ingawa familia ya Nuhu haikuweza kutimiza mapenzi ya Mungu, na kwa kuwa kusudio lake ni la dhati, lisilobadilika, Mungu aliendeleza toleo lake. Akiigemea kwa manabii, Mungu ameendeleza toleo lake kwa Siku za Mwisho – hii ndiyo kusema, kuelekea hukumu ya dhambi na uovu na matayarisho ya kujenga dunia adilifu.

Kwa msingi huu, Yesu alikuja kumaliza historia ya uovu na kuhitimisha Kusudi la Uuumbaji. Hivyo kuja kwake kulitoa kigezo kingine cha kuleta Siku za Mwisho. Hii ndiyo sababu Yesu alijitambulisha kama aliyekuja kuhukumu (Yoh 5:22) na kwa nini Malaki alitabiri, "na angalia siku inakuja, inayochoma kama tanuru, pale wote wenye kiburi na waovu wote watakapokuwa kuni. Siku inayokuja itawachoma moto.....ili isiwaache na mzizi wala tawi" (Malaki 4:1).

Lakini kwa kutomwamini Yesu, watu wa Israel walishindwa kutimiza wajibu wao. Hii ilichelewesha kutimizwa kwa makusudio ya Mungu mpaka Ujio wa Pili. Hivyo Siku za Mwisho zitakuwepo nyakati za Ujio wa Pili. Ndiyo maana Yesu alisema, kama ilivyokuwa katika siku za Nuhu, na hivyo itakuwa siku za Mwana wa Mtu (Lk 17:26). Ni hii pia ndiyo maana katika Mathayo 24:29 anabashiri kuwa katika Ujio wa Pili maono na mabadiliko katika mbingu sawa

na yale yalibashiriwa wakati wa Nuhu na Yesu vitatokea, (Mwa. 6:6, 7, 13 na Isa. 24:19 kwa mpangilio).

II. MATUKIO YALIYOTABIRIWA KWA AJILI YA SIKU ZA MWISHO.

Ili kuelewa vifungu vya Biblia vinavyoelezea juu ya matukio yaliyobashiriwa katika siku za mwisho, ni lazima tuelewe hulka na makusudio ya Mungu kwa lengo la uumbaji, ambalo linapelekea kuwepo kwa toleo la siku za mwisho. Kwa kuwa Mungu hawezi kukamilisha lengo la uumbaji mpaka akomeshe dunia ya uovu, katika siku za mwisho, uovu utaangamizwa. La muhimu zaidi, hata hivyo, siku za mwisho ni wakati wa kukamilisha Lengo la Uumbaji, ni rahisi kuona kuwa vifungu vya Biblia ambavyo vitatia hofu kwa kutokea majanga katika Siku za Mwisho, kama vile kuteketeza mbingu na dunia,

Utabiri za Biblia kuhusu Siku za Mwisho	
Mbingu na Dunia Kuteketezwa Mbingu na Dunia Mpya	2 Pet 3 :12, Mw 6 :13, Isa 66 :22, Ufunuo 22 :1
Hukumu kwa Moto	2 Pet 3 :12
Kukutana na Bwana Hewani	1 Wa Thes 4 :17
Juan a Mwezi kuwekwa Giza Nyota kuporomoka toka Mbinguni	Math 24:29

hakuwezi kuchukuliwa kifasihi (kama yalivyo). Kama maandishi haya hayawezi kuchukuliwa kifasihi yanaashiria nini?

A. Mbingu na Dunia vitateketezwa na Mbingu na Dunia Mpya Vitajengwa

(2 Petro 3:12, Mwa. 6:13, Isaya 66:12, Ufunuo 21:1).

Ingawa mwanzo 6:13 inasema Mungu alilenga kuangamiza dunia nyakati za Nuhu, Mungu hakufanya hivyo kikweli kweli. Penginepo, Biblia inatuhakikishia dunia ni ya milele, kizazi hupita na kizazi huja, lakini dunia hudumu milele (Mhu. 1:4) na “alijenga madhabahu yake kama mbingu za juu, kama dunia ambayo ameiweka milele” (Zab. 78:68). Mungu asingepanga ili mipango ili mipango yeyote kamwe juu ya Bustani ya Eden, Ufalme wa Mbinguni wa milele

hapa duniani, kama isingehitimishwa. Kwa kuwa Ufalme wa Mungu ni wa milele, na dunia ndiyo mahali atakapojenga Ufalme wake, basi nayo lazima iwe ya milele.

Na nini maana ya aya mistari za Biblia za II Petro 3:12 na Isaya 24:19 ambazo hutaja kuangamiza mbingu na dunia? Kuangamizwa mbingu na dunia ambako kumeelezwa katika biblia kunamaanisha kuangamiza utawala wa Shetani ambao ulidhibiti mbingu na dunia tangu anguko la mtu. Kutokea kwa mbingu na dunia mpya kunamaanisha kuanzishwa kwa Ufalme wa Mbingu, ukiwa chini ya Masihi, chini ya utawala wa Mungu.

B: Mbingu na dunia kuhukumiwa kwa moto

(2 Petro 3:12)

2 Petro 3:12 anatuambia, “.....Mbingu zitawashwa moto na kuteketezwa, na vitu vyote vitayeyuka kwa moto!” Kama haya yangetokea kifasihi, basi Lengo la Mungu la Uumbaji lisingetimizwa. Malaki 4:1 anatabiri kwamba nyakati za Yesu zitakuwa za maangamizo kwa moto, na Yohana 5:22 na Yohana 9:39, Yesu ni Bwana wa Hukumu; na katika Luka 12:49, Yesu alisema alikuja kuwasha moto duniani. Lakini kamwe Yesu hakuleta hukumu kwa moto fasaha (kama tujuavyo moto).

Hivyo nini basi maana ya aya hizi? Lazima zina maana ishara. Katika maandishi ya Yereimia 23:29, Mungu anasema kuwa neno lake linaweza kufananishwa na moto. Hukumu kwa moto ni hukumu kwa Neno, au Ukweli. Katika Yohana 12:48, Yesu anasema, “Yule anaye nikana na akataaye kupokea maneno yangu yu na hakimumu, maneno niliyoyasema yatakuwa hukumu yake siku ya mwisho ”II Wathes 2:8 inasema kuwaasiye na sheria atafunuliwa, na Bwana Yesu atamhukumu kwa pulizo la mdomo wake, ambalo kwa uhakika humaanisha Neno. Vile vile, Isaya 11:4 anasema, “..... na ataipiga dunia kwa fito la mdomo wake, na pulizo la mdomo wake (Neno) atawahukumu waovu, (weka msisitizo). Yohana 5:24 anasema, “ ‘..... Yule asikiaye neno langu na kumwamini yeye aliyenituma, ana uzima wa milele; hatahukumiwa, bali amepita katika kifo kuelekea uzima. Kutokana na aya hizi, ni wazi kuwa hukumu kwa moto humaanisha hukumu kwa Neno.

C. Kukutana na Bwana Hewani

(1 Wathes 4:17)

Waraka wa kwanza wa Mtume Paulo kwa Wathesalonike 4:17 unasema “na sisi tulio hai, ambao tumebaki, tutanyakuliwa pamoja nao katika mawingu ili kukutana na Bwana hewani, na hivyo tutaendelea kuwa na Bwana. Siku za mwisho ni wasaa wa kukamilisha Dhumuni la Uumbaji. Kwa hiyo kwamba waumini watakutana na Bwana hewani siku za mwisho hakuwezi kuwa kwa kifasihi, sababu hewani si mahala ambapo Dhumuni la Uumbaji litatimizwa.

Katika Biblia kwa kawaida ‘mbingu’ humaanisha utakatifu, uchaji na ukanda usio na dhambi ambao upo chini ya utawala wa wema, na ‘dunia’, kinyume chake, humaanisha isiyo takatifu,

ya kudharaulika na ukanda wa dhambi chini ya utawala wa uovu. Kwa mfano, tunaposema, ...Baba yetu uliye mbinguni... (Math. 6:9) hatumaanishi Mungu yumo mbinguni kidete, lakini tunarejea kwa utakatifu na ukanda wa uchaji wa uwepo wa Mungu. Hivyo “kukutana na Mungu hewani” hakumaanishi kuinua viwili wili vya Wakristo hewani kukutana na Kristo mbinguni, lakini inarejea katika maendeleo ya kukuwa kwao ndani – kiroho na kuwa na thamani ya kumtumikia Kristo katika dunia ya wema atakaporudi na kujenga Ufalme wa Mbingu duniani.

D. Jua na Mwezi vitatiwa giza: Nyota zitadondoka kutoka mbinguni.

(Math. 24:29).

Math 24:9 anasema, “ ‘Papo hapo baada ya mateso ya siku hizo jua litatiwa giza, na mwezi hautatoa mwanga wake, na nyota zitaanguka kutoka mbinguni....’ ”. Kama majanga haya yata dhihirika, Dhumuni la Uumbaji halitatimizwa. Na hapo, nini maana ya utabiri huu? Katika kitabu cha Mwanzo 37:9;10 zinatupa mwanga. Pale tunakuta tafsiri ya moja ya ndoto za Yusufu, ambamo jua huashiria baba, mwezi huashiria mama, na nyota huashiria watoto wao. Yesu na Roho Mtakatifu waliwapa uhai watu wa anguko na hivyo wanasimama katika nafasi ya baba na mama (rejea “Ukristologia”). Hivyo katika Agano Jipya, (Math. 24:29), jua na mwezi huwakilisha Yesu na Roho Mtakatifu, ambao ni chanzo cha mwanga wa ukweli ambao huangazia roho na moyo wa binadamu, na nyota huwakilisha waumini (Wakristo), ambao ni “watoto” wa Yesu na Roho Mtakatifu.

Katika mtazamo huu, mwanga wa jua huashiria mwanga wa ukweli wa maneno ya Yesu, na mwanga wa mwezi huashiria mwanga wa Roho Mtakatifu. Kwa kusema kuwa jua na mwezi vitatiwa giza ni kusema kuwa maelezo mapya ya ukweli yatafunika yale ya Yesu na Roho Mtakatifu (hii ndiyo kusema, Agano Jipya). Je, hili linawezekanaje? Kama Agano la Kale lilivyoziwa na Yesu na Roho Mtakatifu alikuja na maneno mapya ambayo yalikuwa ni kukamilisha Agano la Kale, pale Kristu anapokuja tena na maelezo mapya ya ukweli, maneno ya Yesu na Roho Mtakatifu yataghubikwa. Kwa ukweli kupoteza mwanga wake inamaanisha kipindi cha utume wake kimekwisha kwa ujio wa kizazi cha maelezo ya ukweli mpya. “Nyota” kuanguka katika siku za mwisho ni wakristu watakaokataa kukubali ukweli kutoka kwa Bwana na hivyo kupoteza nafasi yao kama watoto wa Mungu.


Katika Luka 18:8 Yesu aliuliza “ ‘.....je, pale ajapo Mwana wa Mtu atakuta imani duniani? ‘ ” Katika wakati mwingine alisema kuwa wakati wa Ujio wa Pili atawaambia waumini wengi, “ ‘.....sikuwajua ninyi, ondokeni, enyi watenda dhambi...’ ” (Math. 7:23). Ingawa viongozi wa Israel walikuwa wakimsubiri sana Masihi, wote “walianguka” kwa kukataa mafundisho mapya ambayo Yesu aliyaleta. Yesu aliona uwezekano wa viongozi wa dini wa wakati wa siku za mwisho kufanya jambo lilelile, na hivyo alisema mambo haya kama onyo.

III. SIKU HIZI NI SIKU ZA MWISHO .

Yesu aliahidi angerudi punde tu (Ufunuo 22 :20, Math 10 :23, 16 :28, Yohana 21 :22). Matokeo yake, Wakristo wa kila wakati wamekuwa wakiamini kuwa wakati wao ndio siku za mwisho na wakati wa kurudi kwa Kristo. Katika msingi wa mtazamo mzima wa Toleo la Ukombozi, tunaweza kujua kuwa sasa tunaishi katika wakati wa Ujio wa Pili. Hili litaelezewa kwa uwazi zaidi katika somo la 'Ujio wa Pili'. Hata hivyo, tunaweza kujua kuwa wakati wetu ni wa Siku za Mwisho kwa kuchunguza matukio katika dunia inayotuzunguka. Kama Yesu alivyosema,

Kwa mzeituni jifunzeni somo lake, mara tu matawi yake yanapochipukia na kutoa majani, mnajua kuwa kiangazi kinakaribia. Hivyo hivyo, unapoonamba mambo haya yote, mjue kwamba amekaribia kwenye malango. (Math 24 :32, 33).

Ni ishara gani zinatonyesha kuwa tumo katika Siku za Mwisho ? Lengo na hatima ya historia ya binadamu ni kujenga uadilifu wa Mungu duniani, ambamo ni dunia iliyohitimisha Baraka Tatu. Siku za mwisho ni pale dunia ovu inapoangamizwa. Lakini ni muda ambao unaelekea katika uanzishaji wa dunia – adilifu. Kwa hiyo, kama kipindi chetu ni siku za mwisho, lazima tuwe makini kujua ishara zitokazo duniani kwamba Baraka Tatu zinatimizwa. Chini ya msingi wa ujuzi, huu lazima tuonyeshe kwamba sasa tunaishi katika siku za mwisho. Hebu tuangalie kipindi chetu katika mwanga wa Baraka Tatu.




Baraka ya kwanza ni kwamba kila mtu anaweza kukamilisha tabia yake na kuwa mmoja katika roho na Mungu. Katika kusudi alilolitaka Mungu, mtu huyu atapata raha ya uhuru wa mawazo na matendo yake na atajighubika upendo asilia na atakuwa wa tabia na thamani ya mtoto wa Mungu na Bwana wa uumbaji. Hivyo ataishi maisha yaliyomo katika ufalme wa mbingu. Hata hivyo kwa sababu ya anguko binadamu hakuweza kuhitimisha Baraka ya kwanza. Siku za mwisho ni hatua za mwisho ambamo toleo la Mungu la kukomboa kila mtu aliyeanguka kuwa mtu wa tabia kamilifu.

Katika nyakati hizi, mtu wa anguko anapanua kiu yake ya kuukomboa muktadha wa Baraka ya kwanza kama ukweli katika maisha yake. Mwelekeo huu ni dhahiri katika matukio ya hivi karibuni duniani kote kuelekea upendo kwa wote, ukombozi, usawa, haki za binadamu na

heshima. Dhumuni halisi si kukomboa uhuru wa mambo ya kimwili tu au uhuru bandia na maadili. Haya ni kwa binadamu kukomboa upendo wa asili, maadili ya asili, na uhuru wa asili ambao aliumbwa nao, lakini ukapotezwa. Hatima ya Toleo la Mungu katika Siku za Mwisho itakuwa ni kuhitimisha Baraka ya kwanza.

Tunaweza tena kujua siku hizi ni Siku za Mwisho tunaposhuhudia ukombozi wa Baraka ya Kwanza kwa kukomboa hali ya kiroho ya mwanadamu. Tayari tumeelezea kwamba kila mtu ameumbwa ili awe mmoja katika roho na Mungu na kuwa na uwezo wa kuwasiliana na dunia ya kiroho kikamilifu atakapokuwa amejikamilisha. Hata hivyo, kabla ya anguko, Adam na Hawa walikuwa na uwezo wa kuwasiliana na Mungu na dunia ya kiroho, ingawa uwezo wao haukuwa umekomaa kwa utimilifu. Kwa sababu ya anguko, Adam na Hawa na wazaliwa wao wote, ambao ni watu wote, walitumbukia katika hali ambamo hawawezi walipo kuhisi uwepo wa Mungu. Lakini kama Biblia inavyoonyesha, mawasiliano na dunia ya kiroho yatakombolewa Siku za Mwisho : “ , “...katika siku za mwisho...nitamwaga Roho yangu katika miili ya wote, na wana na mabinti zenu watatabiri, na vijana wenu wataona maono, na wazee wenu wataota ndoto;kwa watumishi na wahudumu wangu katika siku hizo nitamwaga Roho yangu na watatabiri” “ (Mate. 2 :17,18). Matukio ya hivi karibuni ya maajabu ya kiroho na matukio ya kihakika duniani kote yanalenga kuonyesha kukombolewa kwa roho na hulka ya mtu kufikia kile kiwango cha Adam na Hawa walichokuwa nacho kabla ya Anguko na kuashiria kuwa mwanadamu yuko katika upeo wa kukomboa Baraka ya Kwanza.

Baraka ya pili ya Mungu kwa mtu ilikuwa ni uwezo wa Adam na Hawa kujikamilisha wenyewe kama wazazi wa kweli na kuunda familia adilifu, na baadaye jumuiya moja, dunia moja inayotokana na familia hiyo kwa maneno mengine, uwezo wa kuumba familia ya mfano na kufanya dunia ya familia moja. Kituo cha kwanza cha dunia hiyo ni familia adilifu. Kupitia kwayo himaya ya upendo wa Mungu itabadilisha dunia na kuwa dunia ya utamaduni mmoja chini ya upendo wa kweli.



Hata hivyo, Adam na Hawa walianguka na kuwa wazazi walio na dhambi ya asili, na hivyo watu wote wakawa na hulka ya uovu na kuhitimisha dunia iliyotokana na mamlaka ya uovu, kwa hiyo Mungu amekuwa akifanya kazi zake kupitia dini na kuendeleza mambo ya ustaarabu na kumwopoa mtu kuelekea kujenga utamaduni unganiko na dunia ya familia moja.

Kihistoria, tamaduni mbalimbali zimekuwepo kupitia nyakati, hata hivyo, tamaduni za juu zimejitokeza chini ya dini mpya zinazochipua. Njia ya kumeza tamaduni mbalimbali ndogondogo kwa zile ambazo ni za hali ya juu na za kilimwengu, unganisho la tamaduni limekuwepo. Matokeo yake, kuna tamaduni kuu nne zilizobaki, Ukristu, Uislamu, Mashariki ya mbali (chini ya Ubuddha, Ukonfusia na Utao), na Uhindu. Upatanisho huu wa kihistoria unaashiria mwelekeo wa kwenda dunia ya utamaduni mmoja- na kuwa Baraka ya Pili ya Mungu inakombolewa.


Dunia ya utamaduni mmoja itokanayo na upendo wa kweli wa Mungu itakamilishwa pale watu wote wanapokuwa makaka na madada pamoja na Mungu kama mzazi wao. Katika mtazamo huu, Ukristo ni dini kuu katika kutimiza ahadi ya Mungu ya ukombozi kwa sababu Ukristu ulimtambulisha Mungu kama mzazi wa watu wote, sababu wanamsubiri Masihi, ambaye anakuja kujenga utamaduni mmoja, sababu amejitahidi kuunganisha dunia kuwa familia moja.

Matokeo ya kazi ya toleo la mpango wa Mungu wa ukombozi mtu, tangu Vita vya Pili vya dunia, katika kiwango kisichotarajiwa, ameng'amua umuhimu wa ushirikiano wa kimataifa na serikali ya dunia. Ung'amuzi huu umepelekea kuundwa kwa umoja wa mataifa na tume mbalimbali za kimataifa na zote zikiwa na dhima za viwango vya kimataifa na udhibiti wa ndani wa kila kitu kama vile lishe na amana za vyakula vinavyotawika na raslimali – bahati, nishati ya atomiki na uhusiano wa viumbe hai – hadi sheria za kimataifa, katika masuala ya maslahi ya watoto (e.g. taasisi na wakati wa kulea na kupata watoto wa kimataifa na UNICEF) na misaada ya maafa (kwa mfano, shirika la Msalaba Mwekundu) afya ya dunia (mfano, shirika la Afya duniani WHO) na yale ya uchumi wa dunia (mfano, shirika la fedha duniani IMF na Benki ya dunia), na nyinginezo nyingi. Uhuru wa kiuchumi na ushirikiano umekua kufikia kiwango cha kuwa nchi zilizostawi kwa kiasi kikubwa zimekuwa soko kuu la watu wa dunia tunajikuta hatimae, tukiishi katika jumuiya ya dunia, ambamo rangi, uraia lugha, mila, utamaduni na mazao ya dunia huchanganyika na kuafikiwa kinyume cha hapo awali.

Kwa sababu ya maendeleo makubwa katika nyanja za usafirishaji na mawasiliano dunia ' imesinyaa' kiasi kwamba tunaweza kusafiri karibu kila sehemu ya dunia kwa masaa machache. (Ni kama miaka hamsini au sitini iliyopita katika kiwango cha masaa hayo machache, dunia yetu ilikuwa na (radius) nusu ya kipenyo cha mamia ya maili). Kwa urahisi huu wa kusafiri kiwango cha wingi wa safari kimeongezeka kwa kasi katika nchi hizi na kuelekea kukutana sana kwa watu ambako kumeleta muingiliano wa vitendo na maelewano mema na furaha baina ya watu mbalimbali na tamaduni, ukituleta kwenye mshikamano wa dunia yenye umoja.

Katika karne hii kumekuwepo maendeleo yasiyotarajiwa miongoni mwa watu wengi duniani kwa kiwango cha kuvumiliana na kuelewana na watu wengine na kwa moyo wa upendo. Ni toleo la Mungu la kukomboa Baraka ya pili ambayo imepelekea kuibuka kwa mitazamo hiyo.


Vile vile imepelekea kuzijali nchi zilizoshindwa na washindi wa kidemokrasi baada aya Vita ya Pili ya Dunia na kutoa uhuru kwa makoloni na maeneo – rehani; imepelekea mikakati ya misaada ya nchi za kigeni, kuongezeka kwa sala na maombi ya pamoja na ushirikiano wa kitamaduni kuwa na umoja, ushirikiano katika ndoa za kimataifa, na upatikanaji na utunzaji watoto (urasibisho). Haya yote yanaashiria mwelekeo kuelekea ukombozi wa Baraka ya Pili ya Mungu kwa binadamu - baraka ya upendo wa kweli miongoni mwa watu na kuanzishwa kwa familia moja ya dunia.



Mambo haya yote, na matumaini yatazaa matunda pale zawadi hitimisho za historia zitakapowadia, Bwana wa ujio wa pili na itikadi kuu ya ulimwengu anayoileta, kwa maneno mengine zawadi za Roho ya Mungu na itikadi itikanayo na Mungu. Hakuna nyumbani pa kweli bila ya wazazi, kwa hiyo, matamano ya mtu kwa ajili ya furaha na upendo yatahitimishwa pale Mungu na Masihi watakapoweza kusimama katika nafasi ya kuwa wazazi wa mtu.

Baraka ya Tatu ya Mungu kwa mtu ni haki na uwezo wa mtu mkamilifu kuwa na mamlaka ya mwili na roho kwa viumbe vilivyoumbwa, ndiyo kusema, mamlaka yote kwa nje na ndani. Mamlaka ya ndani ya uumbaji humaanisha mamlaka ya upendo. Mamlaka ya nje ni matumizi ya uumbaji kwa maendeleo ya maisha yake kupitia njia ya sayansi na teknolojia.

Ushahidi kwamba wakati huu ni wakati wa Siku za Mwisho na kwa hiyo hatua kabla ya ukombozi wa baraka ya tatu ya Mungu, unaweza kuonekana katika jitihada za kimaendeleo na kuyapenda maumbile na vile vile katika harakati za maendeleo ya sayansi na teknolojia ya hali ya juu.



Kwa asili, husudisho na upendo wa mtu kwa uumbaji ni sawa na ukuaji wa roho yake. Ushahidi wa ukombozi wa upendo wa mtu kwa ajili ya viumbe unaweza kudhihirika katika uwiano wa viumbe hai na harakati za kuyajali mazingira, katika jumuiya za kuzuia ukatili kwa wanyama, kukataza uchafuzi wa hewa wa makazi, katika mashirika na vilabu (vyama) ambavyo vimeundwa kwa ajili ya kuyajali na kuyapenda mazingira ya asili.

Kwa njia ya sayansi na teknolojia, mtu anayakomboa mamlaka - nje juu ya viumbe. Maendeleo lukuki ya sayansi yamefikiwa katika karne hii. Kupitia maendeleo haya binadamu amekuwa akipata mafanikio ya kudhibiti maradhi na mambo ya bahari, ardhi, hewa na hata zaidi ya anga za juu. Binadamu yuko katika ukingo wa kuweza kuweka kiwango cha juu cha hali ya maisha kwa watu wote kupitia mambo haya kwa kuzalisha zaidi, kupata mavuno ya mazao zaidi, kugeuza majangwa kuwa mashamba ya kulima, na kudhibiti mazingira. Matumizi ya sakafu – bahari na hata ukanda wa barafu kaskazini na kusini pia ni mifano ya uwezo wa mtu kugeuza

uumbaji uwe nyumba adilifu. Hapa tunaweza kuona kuwa Baraka Tatu zipo njiani kukombolewa na kurudishiwa binadamu. Hivyo tunaweza kugundua kuwa kujengwa kwa dunia ya uthamini wa Mungu upo miongoni mwetu - kwamba tumo katika Siku za Mwisho.

